



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quod voluntas Dei quæ ipse est, in nullo cessari potest. A

urn:nbn:de:hbz:466:1-38829

ILLI SENTENTIÆ QVA DICTVM

est. Dei voluntatem non posse cassari. quæ ipse est. quædam videntur obuiare.

DISTINCT. XLVI. A

Hic oritur quæstio. Dictum est enim in superioribus, & autoritatibus communitum, quod voluntas Dei, quæ ipse est, quæ beneplacitum ei⁹ vocatur, cassari non potest: quia illa voluntate fecit quæcunque voluit in cælo & in terra: cui teste Apostolo nihil resistit. Quæritur ergo quomodo accipiendum sit, quod Apostolus de Domino ait: Qui vult omnes homines saluos fieri. Cum enim non omnes salui fiant, sed plures damnentur, videtur vtiq; non fieri quod Deus vult fieri, humana sc. voluntate impediente voluntatem Dei. Dominus quoque in Euang. impiam civitatem compellens: Quoties, inquit, volui congregare filios tuos sicut gallina congregat pullos sub alis, & noluisti? Ita etiã hæc dicuntur tanquam Dei voluntas superata sit hominum voluntate: & infirmisimis nolendo impediens nō potuerit facere potentissimus quod volebat. Vbi est ergo illa omnipotentia, qua in cælo, & in terra, secundum Prophetam, omnia quæcunque voluit fecit? & quomodo voluntati eius secundum Apostolum nihil resistit, si colligere filios Hierusalem voluit, & non fecit? Hæc enim prædictis plurimum obuiare videntur.

*Psal. 133.**Aug. c. 97.**princip.**enchiridii.**Rom. 9. d.**1. Tim. 2. b.**Ibid. paulo**inferius.*

Solutio quomodo intelligendum sit illud: Volui congregare & noluisti.

B

Sed audiamus solutionem: ac primum quomodo accipiendum sit illud quod Dominus ait, videamus. Non. n. ex eo sensu illud dictum est vt ait Aug. in Ench. prædictâ quæstionē soluens, quasi Dominus voluerit congregare filios Hierusalem: & nō sit factū q̄ voluit, q̄ ipsa noluerit, sed poti⁹

*Cap. 97. in**fine.*

R 5 ipsa